

дней. А выехал в неделю и ночевал в Савине пустыне. А от Москвы до Твери 200 верст без 20. А от Твери до Торъжку 60 верст, а от Торъжку до Волочка 70 верст. А от Волочка пошел рекою Мъстою в лодье к Великому Новгороду, а кони берегом. А от Воллочка рекою до Новагорода л. 109
триста верст.

И сretoша его далече владыка новгородский Еуфимий и посадники с великою честию. И ночевал в Юрьеве монастыри. На утре же въехал в град месяца октябрия в 7 день. И сретил его владыка с кресты, с попы и диаконы, и весь народ, и тесноте велице сущи народом. И дошед врат града того, и на вратех церковь, и ту митрополит облечеса в ризы, а с ним владыка Аврамин облечесе. И ту свѣщали воду, и кропили народ. И иде к святой Софии, и розволокса ту, и того дни пировал у архиепископа Еуфимиа, и дав ему честь велию. Бысть же в Нове||городе седмь л. 109 об.
днии.

А из Новагорода поиде ко Пскову. И псковичи сretoша его на руближи и почтиша его велми. И приеха в Псков месяца декавриа¹ на память святого отца Николы. И за градом сretoша его с кресты свѣщеници и народ мног. И того дни служил обедню у Святыя троици, а с ним владыка Аврамин, и благословил народ; и даша ему 20 рублей. А от Новагорода до Пскова два 90 верст. И ту быша пирове мнози и дары велици. А отпуская его, даша ему 100 рублей. И поеха изо Пскова в Немци, месяца генваря,² на память святого апостола Тимофеа. А был во Пскове 7 || недель.

Первыи град немецкий Коспир бискупа Юрьевскаго. И ту его сретил бискуп юрьевский с великою честию, по своему праву немецкому, с своими стрыи немецкыми, с трубами и с свирельми, и дав ему честь велику, и дары многы. А от Пскова до Юриева града 100 верст. л. 110

И приехал господин к Юрьеву, и ту сretoша его посадники и ратманы далече, и свѣщеници с кресты, и множество народа града того, и даша ему честь велию. Град же бе Юриев камен,³ велик, полаты же в нем велми чюдны, и нам же не видавшим, дивля||щемся; церкви же бе многы л. 110 об.
и монастыри велици. И монастырь бе женский, по их праву един, велми чюден; неисходящим бо им никогда же из монастыря того, а стригущимся в манастыри том девицами суще, и того ради звашеся свѣтыя девы; ризы же черниц тех белы яко снег, ряскы же и монаты, а на главах их венец черн, а попереk главы крест, а на то наметкы белы, яко снег; а от мирян никако же к ним не ходят, но токмо же нам у них бывшим с господином, и видевше их житие удивихомся. Река же бе обошла с тое страны, откуда || мы приехали. Горы же бяху у них, поля, и садове л. 111
красны. Церкви же христианскыя бе у них две: свѣтыи Никола и свѣтыи Георгии; христиаень же мало.

А от Юриева до Ригы града⁴ 200 верст и 50.⁵ А от Юриева ехал к Ризе, много градов видехом. И ехал на Володимерь град. И сretoша его паны велиции за день; и егда быша близ града, и сretoша⁶ его арцибискуп Тимофеи и архимандрит Захариа, и посадники, и ратманы, и весь град с трубами и с свирельми, и гудници, и с великою честию.

А приеха в Ригу до обеда, месяца февраля в 4,⁷ на память отца Сидора. В граде же его || сretoша с кресты попове и вси народи, и ради л. 111 об.
бывше ему велми. И ел господин у арцибискупа; и владыка Аврамин и Фома, посол тверский, седоша за едиными столом с митрополитом и арцибискупом, а нам за другим. И ту видехом честь велику, и вина различные быша. И ту был господин восемь недель.

^{1,1}Доб. в 6 день М. ²Доб. в 22 день М. ³каменной М ⁴⁻⁵пол 300 верст М.
⁶Испр. по М; в ркп. сreto. ⁷Доб. день М.